

¡BOMBA!

Voy a tirar una neta
ahora que cae la lluvia:
hay quien cree que diluvia
y por perder hace rabieta




K'uintsil

Miércoles 12 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2252 · www.lajornadamaya.mx

U x-xak'al xookilo'ob UNAME' táakpajo'ob ti' meyaj tu'ux kaxta'ab u ka'ap'éel exoplanetail je'ex Yóok'ol Kaabe'



Ko'olel tu noj najil xook Universidad Nacional Autónoma de México (UNAM), máaxo'ob ku meyajo'ob yéetel Telescopio suizo-mexicanoil SAINT-EX, tu kúuchil Observatorio Astronómico Nacional de San Pedro Mártir (Baja California), táakpajo'ob úuchik u kaxta'al u ka'ap'éel exoplanetail beyka'aj u nojochil je'ex Yóok'ol Kaabe', ts'o'oke' ku máan u bak'pacht jump'éel kaabal eek' jach táaj siis.

Yilen Gómez Maqueo Chew,
Laurence Sabin yéetel Ilse Plauchu-

Frayn, máaxo'ob ku meyaj Instituto de Astronomía, táakpajo'ob úuchik u kaxta'al SPECULOOS-3b, úuchik u máansik u yicho'ob ti' cha'an beeta'ab tu ja'abil 2021 beeta'ab yéetel SAINT-EX, ts'o'oke' tu ts'aataánto'ob meyaj káajsa'ab tumen red SPECULOOS tu ja'abil 2022 yéetel 2023, k'a'ayta'ab tumen UNAM.

Gómez Maqueo Chew' tu ya'alaj le je'elo' u ka'ap'éelil sistema planetario kaxta'al y tu bak'pachil jump'éel kaabal

eek' jach táaj siis. Le yáaxo', leti'e' TRAPPIST-1, kaxta'ab tu ja'abil 2016. Ba'ale' tu ka'a'éelile', jela'antak.

Tu tsikbaltaje', u kaxta'al jump'éel exoplaneta jach jela'an ti' le yáax kaxta'ano', k'a'anan tumen ku ye'esik u jejeláasil planetas yaan tu bak'pachil kaabal eek'o'ob jach siistak, le beetike' k'a'anan u kaxta'al u jeelo'obe' ti'al u na'ata'al u jela'anil u nojochilo'ob yéetel u formasil le ba'alo'ob je'elo'.